

կենաց, որ թէ իրենց և թէ իրենց ընտանեացն ու ազգին երջանկութեան պատճառ ըլլան: Եւ էր անմահ յիշատակաց արժանի Լարերարին փափաքը. աս փափաքանաց կատարմանը համար անխնայ էղած է մեր ջանքը, և հիմա

ուրախութեամբ կը տեսնենք որ այս փութաջան և ընտիր աշակերտաց խումբըն ալ կը պսակէ մեր աշխատութիւնն ու կը մոռցընէ, և միանգամայն նոր աշխատութիւններու նորէն ձեռք զարնել կը յորդորէ:

Յ Ե Տ Ի Ն Խ Օ Ս Ք

ԱՌ ԱՒԱՐՏԱՎԱՐԺ ՀԱՄԱԲԱԿՍ ՌԱՔԱՅԵԼԵԱՆ ՎԱՐԺԱՐԱՆԻՆ

ՅՈՒՂԱՐԿԵԼՈՎ, ԶԵՈՍԱ Ի ՀԱՅՐԵՆԻՍ

Եւ իցէն ստուգիւ այս բաբախմունք սրտի և շրթանց, որ կանխեն յիս քան զբարբառ, նշանք՝ եթէ յետին են ինձ բանք այսօր առ դաս մի աշակերտաց Ռափայէլեան վարժարանիս և իմ իսկ՝ ժամանելոց յաւարտ վարժիցն. արդարեւ ստոյգ հասեալ կայցեմք յեւ բազմայեղանակ ասպարիզիս: Եւ նոյն գնացին, սպառեցան ուրեմն սուղ ինչ պակաս եօթն ամբ՝ յորմէ հետէ պարապէին սոքա յուսմունս հանասլազօր առաջի աչաց մերոց. և աւարտեցան ժամանակն դաստիարակութեան, ժամանակ՝ քան զոր չիք մեծ ի շահ, և դժուարին ի համար: Եւ յսպէս ուրեմն և դուք, ջանասէր մանկունք, որք առաւել քան թէ զերրորդ մասն կենաց ձերոց ծախեցէք յօտար երկրիս յայսմիկ, հազարս ասպարիզաց հեռի ի քաղցր դիմաց ընտանեաց, զօրէն ճգնազգեցիկն մանկանց տքնեալք յուսման առ ոտս նորոց ոմանց և եկամուտ ձեզ ծնողաց, մերթ հեծելով և մերթ հրճուելով, և դուք արդ թողեալ մեկնիք ի դիւրալուր ձեզ ժողովոյս, ի խնամոտ հոգաբարձուացդ և ի վաստակաւոր ուսուցչաց, և հեռանայք գնայք ծածկիք ուր սիրտք և պարտք կոչենն զձեզ. և այսպէս անահք և յանդգունք ի համաշխարհական ծուփս ժամանակիս, խլրտելոց ազանց և պետութեանց, դիմադրաւեալք ընդ արհաւիրս ահեղաբոմբիւն երկաթացան հրաձգութեանց, և ընդ կասկածաւոր ալիս, զոր առաւել քան զմըրիկս օդոց՝ հետադօտութիւնք վրդովէն նախանձ

ընդդէմ իշխանականաց: Եւ այսպիսով ժամանակի սլանայք դուք ի հայրենիս:

Եւ յի. տեսանեմ զնոյն ինքն զհայրենիս հրաւեր ձեզ արկեալ յիւր օժանդակ. տեսանեմ զձեզ պատրաստս և յօժարս առ ձայն նորա. տեսանեմ և զարգոյ ատեանս՝ հաւան երկոցունդ կամաց: Եւ յի, հասին հասին և մեզ ժամբ բաժանարարք և խօսք յետինք. ամբ ամիրօփեցան ի վայրկեանս, և ժամանակն ահա թռանի ձեօք հանդերձ, և ես գրկածիգ՝ փարիմ զունայնութեամբ: Ո՛վ անդարձական օրինաց ժամանակի: Տուք արդ ուրեմն հրաման տառապելոյս, ո՛վ աստուածապատիւ Տէր, պարք վարդապետաց և ժողով իմաստասէր, հրաման տուք ինձ թարգման կալ ըղձից և հաճութեան ձերոյ և զայս ևս նուագ՝ թերեւս յետին, և քան զնաւս դժուարին ի գիւտ բանից և ի բացատրութիւն իմոցս իսկ յուզելոց կրից. վասն որոյ և ոչ իսկ զներողամտութիւն քաջակորով ունկնդրացդ ժտել համարձակիմ, ուր անձամբ յանձնէս զպարտութիւն խոստովանիմ:

Եւ հա տուան ձեզ հրամանք, մանկունք վարժից, դառնալոյ ի հայրենիսդ. արձակեալ էք յուսմանց և յուսումնաբանէս. ո՛հ, երթայք ուրախութեամբ և տրտմութեամբ, որով կրիւք արձակէ զձեզ ժողովս այս և ձայնս այս: Եւ թայք, զծանր տուեալ զողջոյն հրաժեշտին առ բազմերախտ ժողովս, որոց առաջի մանկութիւն ձեր զարգացաւ, և ոյժ ձեր կըռեցաւ. երթայք,

ժտելով զսուրբ, զյետին, զխանդա-
ղակաթ օրհնութիւնս հարցդ և ըզ-
հայրապետիս. երթայք, առեալ զգը-
րաւական գորովոյ սոցա և զհամօրէն
ակմբիս զգութ և զջերմաջերմն մաղ-
թանս. երթայք, ուրախութեամբ բար-
ձեալ զարտօսրածին արդիւնս որայիցդ
և դարձարուք 'ի հայրենիս... Այլ
յուշ. կացէք վայրիկ մի ևս. և մինչև
տուեալ զյետին համբոյրս և ընկալեալ
զյետին գիրկէս, մինչև խառնեալ զար-
տասուս 'ի յետին ողջոյնքս, լուարուք ո՛ր
սիրելիք, դողդոջուն ձայնիս՝ զոր բազում
անգամ լուայք, այլ գուցէ ոչ ևս լուիջիք
բնաւ. հանդուրժեցէք փոքր մի ևս, զի
արձանացեալ իմ՝ի սեամս ելից ձերոց 'ի
վարժարանէս՝ սփռեցից առաջի ձեր
զվերջին թելադրութիւնս սրտի դրդե-
լոյ 'ի պարտուց իւրոց, 'ի սիրոյ ձերմէ
և 'ի շքոյ ատենիս. անսացէք ինձ առ-
նուկ քննել ընդ ձեզ, () քննէ զոր թո-
ղուք աստ ուստի մեկնիքդ, և զքննէ
զոր գտանիցէք անդ՝ ուր երթայքն:

Ա.

ՈՒՂԵՒՈՐ հետաքնին հանդերձեալ
վերանալ ուստեք՝ դառնայ մի անգամ
ևս ակն տալ վայրացն ուր դեգերեցաւ.
և նաւ լուծեալ 'ի հանգրուանաց՝ ող-
ջունելով բաժանի յափանցն. այսպէս և
քաջախոհ մարդիկ բազում անգամ
հանգիստ գործեալ յանդադարելի ըն-
թացս կենաց՝ խոկան 'ի կենցաղական
իւրեանց վարս, անցելոյն նկատմամբ
զապագային ուղղեն զպատահմունս:
Ողին հանգոյն և ձեզ՝ որոց աւարտեալ
զհրահանգս ուսմանց հանդերձեալդ
էք թողուլ զմարդ և զմարդարան, պարտ
և պատշաճ է քննել զքննէ ինչ թողուք
'ի նոսին, կամ զքննէ ստացայք 'ի դաս-
տիարակութեան ժամանակիդ, զի չիք
իբրև զայն ժամանակ կարևոր 'ի բո-
վանդակ իսկ յընթացս կենաց: Անգի
'ի սմա, եթէ ներէք ինձ ասել զայս, 'ի
սմա անբանականդ ձեր մարդ փոխել
էառ 'ի բանականն. զզաղփաղփուն տիս
փոխանակեաց հասակ ներկուռ՝ հիմն

և արմատ հանդերձեալ հիւսման կե-
նաց: Սանկունք եկեալ՝ արդ պատա-
նեակս դառնայք. հերք արձակեցան 'ի
ձեզ և ալիք իմաստութեան պահանջին
'ի ձէնջ: () մտաւ ածէք զամեն զառա-
ջինս, դարձայք հայեցարուք 'ի ձեզ և
շուրջ զձեօք. ահա ամենայն ինչ այլա-
փոխեալ է յառաջումէն. ժամանակ, և
մանաւանդ դաստիարակութիւն զամե-
նայն կերպարանափոխ արար, նոր ձեզ
աչս հաստատելով, և նոր դէմն որոց
շուրջ զձեօքն են. իբրև 'ի բովս իմն
զարմանալիս արկեալ՝ նորոգ ձուլեաց
զձեզ տակաւ ըստ աճել հասակիդ:

Այս զառ 'ի ծնողաց ձերոց զլացեալն
ընդ սննդեան՝ զկնիքն ազգային զհայ-
րենի լեզու, որ ոչինչ նուազ քան զկաթն
և զարիւն գիտէ վսեմ և ազգասէր գոր-
ծել զսիրտ, տպաւորեաց 'ի ձեզ զպան-
ծալի լեզուն հայոց, զորոյ փառօք ոչ
զլեցնէ օտար լեզու յաւիտեան: Այց
և զկարևորագոյնս յօտարաց անտի 'ի
պարմայել և 'ի դիւրել զբաղաբաւարու-
թիւն ժամանակիս՝ հոգացաւ նա լծա-
կցել ընդ բնկիդ, զնախապատիւն յեւ-
րոպական լեզուս զիտալական բարբառ
չքնաղ, զարքունական լեզուն Ասորիա-
ցոց, և զվաճառական Անգլիացոյն
սլուրջին: Այս առաջնորդեաց ձեզ ոտն
առ ոտն՝ յուղիդ, 'ի հզօր և 'ի պերճ
խօսս, քերականական, հոգտորական
և քերդողական վարժիք: Աովաւ ծա-
նեայք զկեանս անցելոց ազգաց, և
զանցս և զչափս ժամանակաց. նովաւ
ուսայք զքննէ հողագունտս յորում
կեանս ձգեմք, զքննէ 'ի խաւս նորա,
զքննէ 'ի վերին երեսս. զքննէ են բրա-
ծոյիցս բնութիւնքն և զքննէ աճողա-
կանքն բուսականք. զքննէ շարժուն կեն-
դանիք, և զքննէ հրաշալին 'ի նոսա
մարդ, և որ օրէնք քաղաքաւարութեան
նորա: Աովաւ կառուցէք զաչս ուսա-
նել զձանապարհս և զօրէնս լուսաւոր
աշխարհացն՝ որ թաւալ առնուն զգլխօք
ձերովք, և զհամօրէն տարերաց օրէնս՝
բնաբանութիւն համառօտեաց ձեզ:
Աովաւ խորազնին լեալ որպէս արժանն
էր 'ի ծանօթութիւն ձեր ինքեան՝ ու-

սայք զմարդկային օրէնս քաղաքավարութեամբն, բարոյականաւն և բանական արուեստիւն : Այս առ յարդարուն գործել զկեանս ձեր, և զձեռք և ըզմիտք յաջող և ճարտար, 'ի պէսպէս գեղեցիկ և ազատական արուեստից միեցայք 'ի ճաշակս, 'ի թուական և 'ի համարողական, 'ի չափական և 'ի գծողական, 'ի զարդագրութիւն և յուրուագրութիւն, 'ի դեղանկար և 'ի մանրանկար, 'ի վիմագծութիւն, 'ի ճարտար պետականն և յերաժշտական : Այս 'ի վերոյ ամենայնի սոցա՝ զակն 'ի կատարելագոյնն որ 'ի ձեզ մասն հաստատեալ ուսայք զինչ է հոգի, և զինչ նորա պարտք առ այն՝ յորմէ առան :

() այս ամենայն և որ այն ևս՝ աստ ստացայք դաստիարակութեամբ . և 'ի մեկնելոյ իսկ աստի չկարէք 'ի բաց թողուլ, բայց միայն 'ի պարապմանէն կասիցիք . քանզի 'ի սոցին իսկ 'ի խնդիր ելեալ եկեալ էիք 'ի հայրենեաց, հարկ է թէ 'ի միասին տանիցիք : Արանի՝ ձեզ եթէ յարգողք ժամանակի և իմաստութեան՝ անկորուստ պահիցէք զարդիւնսնոցա : Այլ մի և մի բնաւ կարծել, թէ զամենայն բարձեալ ձեր և չմնայցէ ինչ 'ի կարևորացն : Տակաւին զսակաւս 'ի բազմասեռ ազգաց մակացութեանց ուսայք, և զայն իբրև առ ճաշակ մի . խտիր է ընդ ուսեալ և ընդ գիտուն, ընդ գիտուն և ընդ իմաստուն . ուսեալք բազում, գիտունք սակաւ, իմաստուն հազիւ որ, տգէտ ամենայն որ . և դուք ինքնին կոյր տգիտութեամբ եկեալ, արդ լուսաւոր իմն տգիտութեամբ դառնայք . յայնժամսովեալք էիք 'ի գիտութենէ, այժմ անյազ քաղցեալք : Աստարումն գիտութեանց երբէք ոչ է . ամենայն ուսմանց 'ի սկզբանէ աշխարհի արկեալ են յառաջաբանք, և ոչ որ ընթերցի զվերջաբանն . այսպէս չափաւոր հաստատեալ մեզ նախախնամութեան միտս, այլ երկարատուկ և ջանս անչափս . զի թէ ոչ բոլորումն՝ գոնեայ առաւելագունին հասցուք մասին գիտութեան : Անգի թէպէտ և ոչ կատարի գիտութիւն, այլ զարգանայ .

ամենայն դարք լուծանեն զկնիք մի համատարած մատենի նորա, և () որ առաւել բղիւն զբան, և գիշեր գիշերոյ, ցուցանէ զգիտութիւն, երգեաց աստուածային քնարն՝ Վաւթի, և դուք վկայեսցիք ձեզէն հասեալ յիրացն վերայ : Այս ձեռն օրինակօք հաւատարիմ արարից ձեզ :

Վաւթի յաւուրց Վոյի և Հայկայ առաջնոց երկնագննաց 'ի դիտակս Վարարտայ, մինչև ցՀերշէլ և ց() լաէոս՝ բիւրք բիւրուց աչաց ընթեռնելով զերկինս՝ հազիւ զմետաղաւոր լուսագնտաց գնացս ծանեան իմաստունք հանդերձ ոչ ինչ յորովիւք յարբանեկաց նոցա . զնոյն և մեք ուսեալ 'ի նոցունց աւանդեցաք ձեզ յառաջ քան զսակաւ ամսայն ինչ ամբ ևս երկու 'ի վերայ անցին, ոչ սխրանայցէ, զոր հինգ հազար երկայնաձիգ ամաց քննութիւնք ոչ գիտացին՝ այժմ դեռ ևս գիտացաք մեք չորս և հինգ ևս նոր աշխարհս 'ի վերայ առաջնոցն, և յերկու ամս արարաք և վարժապետքս և վարժեցեալք զգիտութիւն հինգ հազար ամաց, և թերևս գծածկեալն 'ի սկզբանէ աշխարհի այժմիկ և եթ սքողեալ տեսաք :

Յիշեցուցից ձեզ և այլ ինչ՝ որում ականատեսն եղերուք և փորձաւոր . յառաջին ամսն երթալով ձեր 'ի հայրենիսն՝ Վիւեայ՝ ընդ ծով և ընդ ցամաք կիսոյ աւուր ճանապարհաւ կարօտելք . յետ ամաց բացաւ ձեզ իբրև 'ի մոգելոյ՝ ճանապարհ միաժամեայ, անկենդան օդաշունչ կառօք ցամաքաթև անցանել ընդ ազրիական ալիս . ճնանդր, և Վիւեաթեան հազար չորեք արիւր ամաց զարմանալին կղզեքաղաք՝ առաջի աչաց ձերոց այլակերպեալ եկաց ևս զարմանահրաշ ցամաքակղզեակ, զեռանդոն բազմակամար գօտին արկեալ շաղկապ ընդ անկայուն աղտաղտուկն, 'ի սքանչանս և 'ի կորանս պիտիգոնական երեքժանեայ զօրութեանց :

Այս ձեռք իսկ աշխարհ բռնագոյնս ցանցեալ 'ի բարգաւաճանաց՝ անհրաժարելի գիտաց զերազութիւն . և կառք արձակեալ զերիվարս՝ ծխով անդրու-

վարեցան, և որպէս շինանիստս տողեալք
կուռ զհետ միմեանց սրացան ընդ դաշտ
և ընդ քաղաք. ճանապարհք ընդ օդս
փորձեցան յառաւել երազութիւն. և
ևս առաւելագունին ցանկութիւն զամ
պահարութեանց հուր ստեղծեալ ելեք
տրեայ հեռագրութեամբք՝ ի վայրկե-
նի ծանոյց զդէպս հանդիպեալս հարիւ-
րաւոր ասպարիզօք հեռագոյն: — Բ
ռաջի աչաց ձերոց աղօտանշմար նրբա-
փողոցք քաղաքիս ջահավառեալ պայ-
ծաւագգեցան ի գիշերի նրբանիւթ
դիւրակէզ ոգէլուսոյն: — Բռաջի ձե-
րոց իսկ աչաց երկայնատէգ երկրախու-
զակ ձագարաձև կնձթացեալ գործի՝
հերձակաւոր խաղաց ի խաւ՝ ի հաւոյս
սղուտոնական ծոցոյ, և յանհետազօ-
տելի անդնդային վայրացն, ի շեղջա-
շեղջ յազի աղբերացն միջոյ՝ ջուր քաղցր
և նորահամ խնդրելով՝ ած եբեր վեր-
նամուղ, զարմացուցեալ հիացոյց զհա-
մածոյն Վնէժ: — Եւ եթէ բացջիք
զտարեգիրս՝ որքան գոջիք գիւտս նո-
րանորս ուրեք ուրեք. որքան հայթ-
հայթանք բարգաւաճանաց հեռաւորք՝
մերձեցեալք, և մերձաւորք հասարա-
կեալք:

Բալ ընդէր զօտարս յիշել և զմե-
րովքս զանց աւնել: Բռաջին քաղաք ու-
րում յայց ելանիցէք յուղւոյց, ակնն
փոքուն Բսիոյ հանձարեղն Օմիւռնիա,
առաջի արասցէ զմի ի նախապատիւ
ուսումնական ընկերութեանց՝ և դպրո-
ցաց Հայոց, ամ ըստ ամէ կազդուրեալ
և գեղեցիկ շառաւիղօք ընդարձակեալ.
Թղթարան մի նախանձընդդէմ Վարի-
զու և Վրանքֆորթայ՝ կանգնեալ ի
վեհապետն¹ որոյ յիշատակ և սուգ
տակաւին կենդանի է ի մեզ. և ի
հայրենիս ձեր ի Վիւզանդիոն տեսջիք
զնորին և զիւրայոցն ջանից պտուղ՝ ըզ-
գեղազարդեալ զրամատուն (սմանեան
պետութեան: Բնդ տեսջիք և զայլոյ
մեծի Բգգասիրի՝ զոր և զնա արժա-
նաւորեցայք ի հերուն տեսանել աստ,

զբազմագէմ գործարանս կենցաղօգու-
տրս, զվառ՝ ի վառեալ վառօդարանն ար-
քունի, զհրաձիգ բամբակն նմանագոր-
ծեալ, զդպրոցսն աճեցուցեալ: Տես-
ջիք զընկերութիւնս հայրենասէրս և
զվարժարանս յաւելեալս՝ ազգայնոց
ջանիւ և պետութեանն: Տեսջիք և
լրագիրս հինգ կամ վեց հայեցիս ի զա-
նազան կողմանց հայաստեանի ընթա-
ցեալ ի տունս և յընթերցարանս ձեր,
յորոց և ոչ մի երևէր մինչդեռ էիքն ի
հայրենիս ձեր. տեսջիք և զնորահա-
տատ (կ)անգարանն վերձանութեան,
և զմեծատարր ընկերութիւն մի, ար-
դիւնս համավաստակ ջանից ծաւալելոյ
ազգասիրութեան:

Յիշեցուցից այն, և մի առ ամօթ
խածութեան ձերոյ անիրաւեցայց առ
ջանս ձեր. յիշեցուցից ձեզ և զձեզ
ինքն. ահաւաղիկ, ո՞ սիրելիք, յաւարտ
անցելոյ վեցամեայ հարցաքննութեանդ
կարծէիք զոգցես աւարտեալ զուս-
մունսդ, և թերևս իղձք ևս լինէին ձեզ
անդէն դառնալոյ ի հայրենիս. քաջ է.
այլ ո՞ յայնժամ, ասացէք ինձ, ո՞ ի ձէնջ
գիտէր ի վիմի նկարագրել՝ զոր ի Թղ-
թին գծէիք, և զարմացուցանել ընդ
մաքրութիւն պատկերին և զարուես-
տաւորսն իսկ. ո՞ր ուրուք ի ձէնջ հա-
նեալ էր մինչև ցայնժամ զդէմն ձեր և
զսրբոց դեղովք ի պաստառ², և սքան-
չացուցեալ զատեանս ընդ ճարտարու-
թիւն ձեռինն և ընդ երազութիւն.
կամ ո՞ր հատեալ շերտաձև զժանիս
փղաց՝ մանրակտիտ մատամբք գերփին-
ունակ մանրանկար պատկերսն և կեր-
պարանս հանեալ³, յերկայնմտութիւն
փոքրիկ անձինն և ի քաջիկ վարժու-
թիւնն հաճեցուցեալ զամենեսին. ո՞ր
յայնժամ զաղգի ազգի յօրինուածս
ճարտարպետականս ստեղծագրեալ էր՝
ի հաճութիւն նորին իսկ անխոնջ վար-
ժապետին. և ո՞ր երբէք ուրեալ զհա-
գագն ընդ պղնձակապ եղէգն՝ յանկար-
ծոյն զատեանս ի խոր լուծութիւն ըմբռ-

1 Սիւնեաց ընկերութիւն և վարժարանք նորա:

2 Յակոբ Զէլէպի Տիւղ:

3 Յովհաննէս Ամիրայ Տատեան:

1 Գ. Վահան Կեօի և Սերովբէ Պօլսեան:

2 Գ. Խորէն Մոշորոյ:

3 Պօղոս Երամեան:

նէր, և ապա յինքեան լռեն՝ զնա 'ի ծափաձայն գովութիւն շարժէր՝: Այսպէս ամենայն, ո՛րքա՞ք, ո՞չ ապաքէն արգասիք են վերջին ջանից ձերոց 'ի յետին վեցամսեայ պարապմանդ՝ առանց որոց ո՛րքան պակասք 'ի գովութենէ, 'ի փառաց, 'ի ճարտարութենէ և 'ի շահոյ դառնայիք:

Աւարդ այս ամենայն յոր երկարեցի՝ զի՞նչ յայտ առնիցեն ձեզ. ո՞չ ապաքէն զայն զի անսպառ են գիտութիւնք, և մարդս միշտ համբալ, և միշտ կարօտ և կարող յուսանել. քայլ զոր յառաջէ նա 'ի գիտութեան՝ խոստովանի զյետամնացութիւնն. ասպարէզ զոր կարճէ՝ նոր և ընդարձակագոյն ևս բանայ նմա. և որ յերեկն գիտուն էր ըստ ժամուն կարծեաց կամ պիտոյից՝ այսօր ընդ տգէտս դասի՝ եթէ ոչ ժողովեաց զսերկեանս գիւտ: Այլ ուրեմն և դուք յայնժամ միայն գիտունք լինիջիք, յորժամ ոչ կասիցէք 'ի հետամուտ լինելոյ գիտութեանց, մինչև հասցեն ձեզ ամբ՝ յորս միտք անբաւականք յըմբռնումն նորոյ գաղափարի՝ զանանց գիտութիւնս որո՞ճայցեն:

Իայց թէպէտ և անհրաժեշտք յուսմանց, թողուցուք աստանօր զԱստուցիչս ձեր: Այն ինձ հարկ ազդ առնելոյ ձեզ՝ զի՞նչ պարտիցիք քրտանց նոցա. երախտագիտութիւն զամենայն խօսեսցի 'ի ձեզ. վաստակք նոցա հանդերձ մաշեալ կենօք նոցին կեցցեն 'ի ձեզ ցորչափ դուքդ կեայք. և որպէս նոքա ներեցին ձեզ 'ի սրտէ եթէ վշտացուցէք ինչ գնոսս, այսպէս և դուք՝ եթէ թերացեալս երբէք գնոսա յիշիցէք, ընդ նմին ածեալ զմտաւ՝ զի քան զգաստիարակաց արուեստ չիք ինչ դժնդակ և բազմազգոյշ: Եւ, ո՛չ, զի 'ի փորձոյ ուսայ. որքան ամենօգուտ իր, այնքան խիթալի:

Թողուք աստանօր և զհարբս պատուական, որոց 'ի Սխիթարաց առեալ զուխտ անդուլ ջանից 'ի նպաստ ազգին իւրեանց՝ անխնայ հեղին 'ի ձեզ զնոյն:

և այսօր ահաւաղիկ առաջի ձեր գումարեալ է բովանդակ ուխտն սուրբ 'ի խրախոյս ձեզ և յողջոյն յուղարկաւորի: Արախտիս ոչ ինչ խնդրեն 'ի ձէնջ, զի վարձք մեր յերկինս են առ Աստուած որչափ ինչ միամտութեամբ վաստակեցաք, և յերկրի վարձք մեր դուք էք և համօրէն ազգդ՝ որոց նուիրեմք զջանս և զկեանս, և խեթկեալք բազում անգամ՝ 'ի հակառակորդաց՝ համարիմք և զայն շնորհս Աստուծոյ, զի անխառն յամենայն երկրաւոր յուսոյ գործէ զազգասիրութիւն մեր, և քաղցրացուցանէ մեզ զծախելն և զծախիլ՝ զի միայն զազգ մեր շահեսցուք: Իայց զայլ ինչ եթէ ես լռեմ՝ դուք մի մոռասցիք. զկենակցութիւն ձեր և զգգուանս յընկերութենէ անտի՝ զոր հաճեցաւ տէր 'ի փառս իւր աշխարհաքարոզ առնել. ըզգաւիթմն զայնոսիկ՝ որոց երանեցին թագաւորք, սխրացան իմաստունք, համբուրեցին ազգասէրք. զգարանս մատենիցն զաւանդապահս նախնեաց մերոց քրտանց և տքնութեանց. զմամուլն՝ որոց պարտական խոստովանեցաւ զանձն Հայաստան. զեկեղեցին ուր ննջեն հարբ մեր առաքիւնիք և իմաստունք, ուր ննջէ և հայրապետս՝ որ զառաջին ամս մանկութեան ձերոյ հովանաւորեաց. և զնախանձելի զերկնութեան զամբանն՝ ուր ծածկին նշխարք մեծի վաստակաւորին Հայաստանեայց՝, զոր և համբուրել արժանացայք: Այն երեսցի ինձ զայս մի նուագ 'ի վեր առնուլ զքօղ չափաւորութեան, յիշեցէք և զկենդանի գլուխ մեծի վարդապետին՝ զԱստուծոյ ամենայն Հայոց, որ զողջոյն զկէս պարագայ Սխիթարեան միաբանութեանս զամս եօթանասուն և հինգ ծախեալ 'ի տան նորա համբարեաց զգիտութիւնս սրբոց և ըզհայոց, և նոքօք պարարեալ դեգերի ըզձիւք 'ի դրունս երկնից. վաստակք նորա ծանուցեն Հայոց զմեծագոյն մի

1 Սուրբիս Սոմալ նախորդ արքայ:

2 Սխիթար:

3 Հ. Մկրտիչ Վարդապետ Ազգեր, ամաց 86, հնագոյն յուխտիս Սխիթարայ, ազօթող Հայոց:

զիւրեանց փառս , և ձեզ՝ զի նախանձե-
լի եղէք տեսութեամբ նորա և օրհնու-
թեամբ :

(Թողուք աստանօր զմիւս ևս վեհա-
գոյն գլուխ , զդիտապետս Սիւնեաց
և զարժանի գահակալ Սիսիթարայ ,
որում կրկին և երեքկին պարտականք
էք . նախ զի ընդ խնամօք ձեռաց նորին
ուղևորեցայք՝ այսր , և երկրորդ զի ընդ
արթուն վերատեսչութեւ նորա վայելե-
ցէք զվերջին ամսդ , և այժմ՝ նորին օ-
ծեալ և հայրագութ աջով ընդունիք
զցօղս երկնից թռակ ճանապարհիդ :
Տեւեսցեն ՚ի ձեզ ընդ աստուածայնոցն
օրհնութեանց և գութք իւր ազնուա-
կանք և իղձք :

(Թողուք աստանօր ընդ Սարժարա-
նիս և զՎարերարս նորա և զսատարս
նոցին բարեաց , յորոց առատաձեռնու-
թիւն և ՚ի վաստակս ձրի վայելեցէք
այսքան ամս . դրուատ սոցա ՚ի ձէնջ
հնչեցեալ՝ յորդորեցէ ՚ի նմանութիւն
նոցին զնոր ազգասէրս :

(Թողուք աստանօր և զընկերակիցս
ձեր դեռավարժս և զհարազատս , որք
ընդ նոյն ընդ ձեր շաւիղ ձգելոց են զըն-
թացս . ցայժմ օրինակ և արդասիք յա-
ռաջադիմութեան ձերոյ՝ յորդորք էին
նոցա նմանելոյ ձեզ և յառաջել . այ-
սուհետև համբաւ ձեր և յաջողու-
թիւնք վաստակոցդ պահանջին ՚ի նա-
խանձաւորութիւն և յանխաբ ապա-
ցոյց ջանից : Մ. յ. , զայդ տեսեալ , գի-
տեմ զի ջան դնէք և դուք , կրսերք , որք
մնայքդ աստ , գերազանցել զաւագ եղ-
բարբքդ . որպէս զի և մեք և ազգս մեր
զմիշտ յառաջադիմութեան առնուցումք
զյոյս :

(Թողուք նաև զմիմեանս իսկ . քանզի
ումանք ՚ի ձէնջ ըստ տարադէպ բաղդի
տանս (Թորգոմայ)՝ յօտար գնան երկիր ,
հեռագոյն ևս քան զբազմացդ՝ ՚ի բնոյն
հայոց . թէպէտ առ հրահանգեալ ա-
զինս , և ՚ի մէջ հայասէր և հայանման

Եհայ , որք մարդասիրաբար ժողովե-
ցին զպանդխտութիւն Մեղ , և մեծա-
պէս պատուեցին . անմոռաց ունիջիք
զլծորդութիւն եղբայրութեանդ . առ-
ջիք և տաջիք ծանօթս զհամազգի եղ-
բարց ձերոց որք աստ կամանդր , և ըն-
տանեցուցիք միմեանց զգաղթականս
տանն Մրամայ :

Հուսկ ապա թողուք և զվանատուր
աիւունքս , զերկիրս իտալական և զմի ՚ի
կարի զարմանալի նորայն բաղաբաց ,
զմայր գեղարուեստի և զվաճառակա-
նութեան , զձեռնտու արևելեան ա-
զանց և զհին բարեկամ՝ և ռնեանց մե-
րոց և Վոստանդեանց : (Թողք ընդ թի-
ցիանեան և ընդ Վալլադեան սիրացա-
րուք աստ ընդ հրաշակերտս , յորժամ
վերջին անգամ տեսիք զերկնաման
գմբէթսն , զամպաճեմաշտարակս զան-
գակաց , զանտառս կճէից սեանց , զհը-
րոսպարակն հիսաբանչ , զվսեմաշուք ա-
պարանս դքսին , զլայնատարր նաւա-
րանն , զանդնդահիմն զահագնապարիսպ
ամբարտակսն՝ անջրպէտս ծովուց և ա-
մեհի խուժանի նորա վկանդիչ , դրոշ-
մեսլիք ՚ի սիրտս ձեր զտիպս նոցա խո-
րագոյնս քան զանուանս վաճառական
հայորերոյն՝ զորս ընթերցայք ՚ի սիւնս
Սրբոյն Սարկոսի : Եւ յորժամ արևե-
լեան գձձութիւն յանդիման լինին ձեզ ,
յիշեցէք զդրախտն Եւրոպիոյ յորում
գեթթն ամ սիւզ ծծեցէք . յիշեցէք և
զհայաստան աշխարհին ճարտարագոր-
ծրս , և զայժմուս կերպարանս , և ձեռն
մի և դուք տուք զարթուցանել զգեղա-
րուեստից ճաշակս : Մ. յ. առաւել ցան-
կացողք և տաժիչք լերուք գեղային և ա-
զատական մնաց ժողովրդեան , յորոց մի-
ջի արարէք զդաստիարակութի ձեր . յի-
շեսցի ձեօք հինն և քօղաւոր առնչութի
հայաստանի և խաղիոյ սկսեալ որպէս
կարծեմ յառաջ քան զաւուրս հայկայ :
Մ. յ. պիտիք են ահաւասիկ զոր թո-
ղուքն աստ ուստի մեկնիք , ո՛ սիրելիք .
արդ ժամ է դառնալ և տեսանել զորս
գտանիցէք անդ ուր դէմդ եղեալ է :

1 Արհիպապօսիւ Տէրս մեր Գէորգ Վարդապետ
հիւրմիւզ , որ ած ընդ իւր զմանկտիս ՚ի Կոստանդ-
նուպօլսոյ յամին 1841 , և ամբարձաւ յաթոռ
Սիսիթարայ յամին 1846 :